

孟浩然集卷第三

五言律詩

與諸子登峴山

人事有代謝往來成古今江山留勝迹我輩復
登臨水落魚梁淺天寒夢澤深羊公碑尚在讀

罷淚沾襟

臨洞庭

八月湖水平涵虛混太清氣蒸雲夢澤波撼岳

陽城欲濟無舟楫端居耻聖明坐觀垂釣者徒

有羨魚情



上

上

七

五十五

下

五十三

晚春

二月湖水清家家春鳥鳴
林花掃更落徑草踏
還生酒伴來相命開樽共解醒
當杯已入手歌
妓莫停聲

下

四十二

歲暮歸南山

北闕休上書南山歸弊廬
不才明主棄多病故人踈
白髮催年老青陽逼歲除
永懷愁不寐松
月夜窻虛

上

五十四

梅道士水亭

傲吏非凡吏名流即道流
隱居不可見高論莫

下

三十一

開園懷蘇子

能酬水接仙源近山藏鬼谷幽
再來迷處所花
下問漁舟
林園雖少事幽獨自多
違向夕開簾坐庭陰
葉落微鳥從煙對宿螢
傍水軒飛感念同懷子
京華去不歸

中

五十三

留別王維

侍御

寂寂竟何待朝朝空自歸
欲尋芳草去惜與故人違
當路誰相假知音世所稀
祗應守寂寞還
掩故園扉

武陵泛舟

武陵川路狹前棹入花林莫測幽源裏仙家信
幾深水迴青嶂合雲渡綠谿陰坐聽閑猿嘯彌
清塵外心

下

五十一

同曹三御史行泛湖歸越

秋入詩人興意巴歌和者稀泛湖同旅泊吟會是
歸思白簡徒推薦滄洲已拂衣杳冥雲海去誰
不羨鴻飛

遊景空寺蘭若

龍象經行處山腰度石關屢迷青嶂合時愛綠

下

五十二

陪張丞相登嵩陽樓

蘿閑宴息花林下高談竹嶼間寥寥隔塵事疑
是入雞山

獨步人何在嵩陽有故樓歲寒問耆舊行縣擁
諸侯決莽北彌望沮漳東會流客中遇知己無
復越鄉憂

上

五十一

與顏錢塘登樟亭望潮作

百里雷聲震鳴絃暫輟彈府中連騎出江上待
潮觀照日秋雲迥浮天渤澥寬驚鷲鷲濤來侶雪一
坐凜生寒

上十三

大禹寺義公禪

義公習禪寂結宇依空林戶外一峯秀堦前
壑深夕陽連雨足空翠落庭陰看取蓮花淨
知不染心

上十四

尋白鶴崑張子容隱居士

白鶴青崑畔幽人有隱居堦庭空水石林壑罷
樵漁歲月青松老風霜苦竹踈覩茲懷舊業
策返吾廬

上十五

九日得新字

九日未成旬重陽即此晨登高尋故事載酒訪

中

幽人落帽恣歡飲授衣同試新茱萸正可佩折
取寄情親
除夜樂城張少府宅

雲海訪甌閩風濤泊島濱如何歲除夜得見故
鄉親余是乘槎客君為失路人平生復能幾一
別十餘春

上

舟中晚望

挂席東南望青山水國遙舳舻爭利涉來往任
風潮問我今何適天台訪石橋坐看霞色晚疑
是赤城標

上
三十五

遊精思觀迴王白雲在後

出谷未停午至家已夕
日
暝迴瞻山下路但見牛
羊羣樵子暗相失草蟲寒不聞衡門猶未掩佇
立待夫君

上
九十七

與杭州薛司戶登樟亭驛

水樓一登眺半出青林高
帝幕英僚散芳筵下
客叨山藏伯禹穴城壓伍胥濤今日觀溟漲垂
綸欲釣鼈

上
二十四

尋天台山作

吾友太一子
食霞臥赤城欲尋華頂去不憚惡

溪名歇馬憑雲宿揚帆截海行
高高翠微裏遙見石梁橫

宿立公房

支遁初求道深公笑買山何如石嵒趣自入戶
庭間苔澗春泉滿蘿軒夜月閑能令許玄度吟
臥不知還

上
三十四

尋滕逸人故居

人事一朝盡荒蕪三徑休始聞漳浦臥奄作岱
宗遊池水猶含墨山雲已落秋今朝泉壑裏何
處覓藏舟

姚開府山池

主人新邸第相國舊池臺
館是招賢闢樓因教舞
開軒車人已散簫管鳳
初來今日龍門下誰知
文舉才

上
五十一

夏日浮舟過滕逸人別業

水亭涼氣多閑棹晚來過
澗影見藤竹潭香聞芰荷
野童扶醉舞山鳥笑酣歌
幽賞未云遍煙光柰夕何

夏日辨玉法師茅齋

夏日茅齋裏無風坐亦涼
竹林新笋穉籬架引

稍長鷺覓巢窠處蜂來造
蜜房物華皆可翫花

藥四時芳

上

五十一

與張折衝遊耆闍寺

釋子彌天秀將軍武庫才
橫行塞北盡獨步漢南
來貝葉傳金口山櫻作
賦開因君振嘉藻江楚
氣雄哉

上

五十二

與白明府遊江

故人來自遠邑宰復初臨
執手恨為別同舟無異心
公洄洲渚趣演漾絃歌音
誰識躬耕者年年梁甫吟

遊精思題觀主山房

誤入花源裏初憐竹逕深方知仙子宅未有世人尋舞鶴過閑砌飛猿嘯密林漸通玄妙理深得坐忘心

尋梅道士張逸人

彭澤先生柳山陰道士鵝我來從所好停策夏雲多重以觀魚樂因之鼓枻歌崔徐跡未朽千載揖清波

陪姚使君題惠上人房

帶雪梅初暖含煙柳尚青來窺童子偈得聽法

王經會理知無我觀空厭有形迷心應覺悟客思不遑寧

晚春遠上人南亭

給園支遁隱虛寂養閑和春晚羣木秀關關黃鳥歌林棲居士竹池養右軍鵝花月北窓下清風期再過

人日登南陽驛門亭子懷漢川諸友

朝來登陟處不侶艷陽時異縣殊風物羈懷多所思剪花驚歲早看柳訝春遲未有南飛鴈裁書欲寄誰

遊鳳林寺西嶺

共喜年華好來遊水石間烟容開遠對春色滿
幽山壺酒朋情洽琴歌野興閑莫愁歸路暝招
月伴人還

陪獨孤使君同與蕭員外證登萬山亭
萬山青嶂曲千騎使君遊神女鳴環佩仙郎接
獻酬遍觀雲夢野自愛江城樓何必東南守空
傳沈隱侯

贈道士參寥

蜀琴久不弄玉匣細塵生絲脆絃將斷金徽色

尚榮知音徒自惜龍龕俗本相輕不遇鍾期聽誰
知鸞鳳聲

京還贈張維

拂衣去何處高枕南山南欲徇五斗祿其如士
不堪早朝非晏起束帶異抽簪因向智者說遊
魚思舊潭

題李十四在兼贈綦毋校書

聞君息陰地東郭柳林間左右瀍澗水門庭緜
氏山抱琴來取醉垂釣坐乘閑歸客莫相待綠
源殊未還

上 七十九

寄趙正字

正字芸香閣幽人竹葉園經過宛如昨歸臥寂
無喧高鳥能擇木羝羊謾觸藩物情今已見從
此願忘言

上 四十八

秋登張明府海亭

海亭秋日望委曲見江山染翰聊題壁傾壺一
解顏歡逢彭澤令歸賞故園間余亦將琴史棲
遲共取閑

上 四十九

題融公蘭若

精舍買金開流泉遶砌迴芰荷薰講席松栢映

上 五十八

香臺法雨晴飛去天花晝下來談玄殊未已歸
騎夕陽催
九日龍沙寄劉大

龍沙豫章北九日挂帆過風俗因時見湖山發
興多客中誰送酒棹裏自成歌歌竟乘流去滔
滔任夕波

洞庭湖寄閻九

洞庭秋正闊余欲泛歸船莫辨荆吳地唯餘水
共天渺瀰江樹沒合沓海湖連遲爾為舟楫相
將濟巨川

上

五十七 和季侍御渡松滋江

南紀西江濶皇華御史雄截流寧假楫挂席自
生風窅窅爭攀鷁魚龍亦避駟坐聞白雪唱翻
入棹歌中

上

秦中感秋寄上人

一丘常欲臥三徑苦無資北土非吾願東林懷
我師黃金燃桂盡壯志逐年衰日夕涼風至聞
蟬但益悲

上

六十四 重訓李少府見贈

養疾衡茆下由來浩氣真五行將禁火十步想

上

六十六 宿永嘉江寄山陰崔國輔少府

尋春致敬維桑梓邀歡即故人還看後凋色青
翠有松筠
我行窮水國君使入京華相去日千里孤帆天
一涯卧聞海潮至起視江月斜借問同舟客何
時到永嘉

上

六十七 上巳日洛中寄王迥十九

十洛成周地浮杯上巳筵鬪雞寒食下走馬射
堂前垂柳金堤合平沙翠幕連不知王逸少何
處會羣賢

下

五十四 聞裴侍御拙自襄州司戶除豫州司戶

經因以投寄

故人荆府掾尚有栢臺威移職自樊沔行芳聲聞
帝畿昔余卧林巷載酒訪柴扉松菊無君賞時鄉

園嬾欲歸

上

六十八

江上寄山陰崔國輔少府

因以投贈

春堤楊柳發憶與故人期草木本無意枯榮自
有時山陰定遠近江上日相思不及蘭亭會空

吟被襖詩

上

六十九

送洗然弟進士舉

獻策金門去承歡彩服違以吾一日長念爾聚
星稀昏定須温席寒多未授衣桂枝如已擢早
逐鴈南飛

上

七十三

夜泊廬江聞故人在東林寺以詩寄之

江路經廬阜松門入虎溪聞君尋寂樂清夜宿
招提石鏡山精怯禪林怖鶴棲一燈如悟道為
照客心迷

上

七十五

宿桐廬江寄廣陵舊遊

山暝聽猿愁滄江急夜流風鳴兩岸葉月照一
孤舟建德非吾土維揚憶舊遊還將數行淚遙

寄海西頭

上七十四 南還舟中寄袁太祝

汭沂非便習風波厭苦辛忽聞遷谷鳥來報五
陵春嶺北迴征棹巴東問故人桃源何處是遊
子正迷津

上七十六 東陂遇雨率爾貽謝南池

田家春事起丁壯就東陂殷殷雷聲作森森雨
足垂海虹晴始見河柳潤初移余意在耕稼因
君問土宜

上八十 行至汝墳寄盧徵君

行之憩余駕依然見汝墳洛川方罷雪嵩嶂有
殘雲曳曳半空裏溶溶五色分聊題一詩興因
寄盧徵君

上八十一 寄天台道士

海上來仙客三山望幾時焚香宿華頂裛露採
靈芝屢踐莓苔滑將尋汗漫期儻因松子去長
與世人辭

中二 和張明府登鹿門山

忽示登高作能寬旅寓情絃歌既多暇山水思
彌清草得風先動虹因雨後成謬承巴俚和非

敢應同聲

中
七
和張三自穰縣還途中遇雪

風吹沙海雪來作柳園春宛轉隨香騎輕盈伴
玉人歌疑郢中客態比洛川神今日南歸楚雙
飛侶入秦

中
二十七
歲除夜會樂城張少府宅

疇昔通家好相知無間然續明催盡燭守歲接
長筵舊曲梅花唱新正栢酒傳客行隨處樂不
見度年年

中
二十九
自洛之越

遑遑三十載書劍兩無成山水尋吳越風塵臥
洛京扁舟泛湖海長揖謝公卿且樂杯中酒誰
論世上名

中
三十一
歸至郢中作

遠遊經海嶠返棹歸山阿日夕見喬木鄉園在
伐柯愁隨江路盡喜入郢門多左右看棄土依
然即匪佗

途中遇晴

已失巴陵雨猶逢蜀坂泥天開斜景遍山出晚
雲低餘濕猶霑草殘流尚入谿今宵有明月鄉

思遠悽悽

中
二十九 蔡陽館

日暮馬行疾城荒人住稀聽歌疑近楚投館忽
如歸魯堰田疇廣章陵氣色微明朝拜嘉慶須
着老萊衣

中
三十 他鄉七夕

他鄉逢七夕旅館亦羈愁不見穿針婦空懷故
國樓緒風初減熱新月始登秋誰忍窺河漢迢
迢望斗牛

中
三十一 夜泊牛渚赴薛八船不及

星羅牛渚外風送鷁舟遲浦溆常同宿烟波忽
問之榜歌空裏失船火望中疑明發泛湖海茫
茫何處期

中
三十二 曉入南山

瘴氣曉氛氲南山沒水雲鯤飛今始見鳥墮舊
來聞地接長沙近江從泊渚分賈生曾吊屈余
亦痛斯文

中
三十八 夜渡湘水

客行貪利涉夜裏渡湘川露氣聞香杜歌聲識
採蓮榜人投岸火漁子宿潭煙行旅時相問潯

陽何處邊

中 三十二 赴命途中逢雪

迢遞秦京道蒼茫歲暮天窮陰連晦朔積雪滿
山川落鴈迷沙渚飢鳥噪野田客愁空佇立不
見有人烟

中 十六 宿武陵即事

川暗夕陽盡孤舟泊岸初嶺猿相叫嘯潭影伴
空虛就枕滅明燭扣船聞夜漁雞鳴問何處人
物是秦餘

下 四十四 同盧明府餞張郎中除義王府司馬海

園作

上國山河裂賢王邸第開故人分職去潘令寵
行來冠蓋趨梁苑江湘失楚材預愁軒騎動賓
客散池臺

中 三十六 落日望鄉

客行愁落日鄉思重相催况在他山外天寒夕
鳥來雪深迷郢路雲暗失陽臺可歎悽遑子
歌誰為媒

中 十七 永嘉上浦館逢張八子容

逆旅相逢處江村日暮時衆山遙對酒孤嶼共

題詩解宇鄰蛟室人烟接島夷鄉關萬餘里失
路一相悲

中

送張子容赴舉

夕曛山照滅送客出柴門惆悵野中別殷勤醉
後言茂林余偃息喬木爾飛翻無使谷風誚須
令友道存

中

送張參明經舉兼向涇州省觀

十五綵衣年承歡慈母前孝廉因歲貢懷橘向
秦川四座推文舉中郎許仲宣泛舟江上別誰
不仰神仙

中

沂江至武昌

家本洞庭上歲時歸思催客心徒欲速江路苦
遄迴殘凍因風解新梅變臘開行看武昌柳髣
髴映樓臺

唐城館中早發寄楊使君

犯霜馳曉駕數里見唐城旅館歸心逼荒村客
思盈訪人留後信策蹇赴前程欲識離魂斷長
空聽鴈聲

上

陪李侍御謁聰禪上人禪居

欣逢栢臺舊共謁聰公禪石室無人到繩床見

虎眠陰崖常抱雪松澗爲生泉出處雖云異同
權在法筵

上

八十三

和張丞相春朝對雪

迎氣當春立承恩喜雪來潤從河漢下花逼艷
陽開不覩豐年瑞安知燮理才散鹽如可擬願
穆和羹梅

孟浩然集卷第三

孟浩然集卷第四

五言律詩

下

五十六

送吳宣從事

才有幕中畫而無塞上勳漢兵將滅虜王粲始
從軍旌旆邊亭去山川地脉分平生一七首感
激贈夫君

中

四十四

送張祥之房陵

我家南渡隱惜習野人舟日夕弄清淺林端逆
上流山河據形勝天地生豪酋君意在利涉知
音期暗投

中
五十一

送桓子之郢城過禮

聞君馳綵騎躑躅指南荆為結潘楊好言過郢
郢城標梅詩已贈羔鴈禮將行今夜神仙女應
來感夢情

中
五十八

早春潤州送弟還鄉

兄弟遊吳國庭闈戀楚關已多新歲感更餞白
眉還歸泛西江水離筵北固山鄉園欲有贈梅
柳着先攀

送告八從軍

男兒一片氣何必五車書好勇方過我才多便

下
六

起余運籌將入幕養拙就閑居正待功名遂從
君繼兩踈

送元公之鄂渚尋觀主張驂鸞

桃花春水漲之子忽乘流峴首辭蛟浦江邊問
鶴樓贈君青竹杖送爾白蘋洲應是神仙輩相
期汗漫遊

中
六十二

峴山餞房瑄崔宗之

貴賤平生隔軒車是日來青陽一觀止雲霧豁
然開祖道衣冠列分亭驛騎催方期九日聚還
待二星廻

下

四十五

送王五昆季省覲

公子戀庭幃勞歌涉海沂水乘舟楫去親望老
萊歸斜日催鳥鳥清江照綵衣平生急難意遙
仰鶴鴿飛

下

十

送崔易

片玉來誇楚治中作主人江山增潤色詞賦動
陽春別館當虛敞離情任吐伸因聲兩京舊誰
念卧漳濱

下

十一

送盧少府使入秦

楚關望秦國相去千里餘州縣勤王事山河轉

下

使車祖筵江上列離別恨前書願及芳年賞
鶯二月初

送謝錄事之越

清旦江天迥涼風西北吹白雲向吳會征帆亦
相隨想到耶溪日應探禹穴奇仙書儻相示余
在北山陲

下

四

洛下送奚三還揚州

水國無邊際舟行共使風羨君從此去朝夕見
鄉中余亦離家久南歸恨不同音書若有問江
上會相逢

中

六十三

送袁十嶺南尋弟

早聞牛渚詠今見鶴鴿心羽翼嗟零落悲鳴別
故林蒼梧白雲遠烟水洞庭深萬里獨飛去南
風遲爾音

五十二

永壽別張子容

舊國余歸楚新年子北征挂帆愁海路分手戀
明情日夜故園意汀洲春草生何時一杯酒重

與李膺傾

此下有張子容送孟六歸襄陽二首

中

五十四

送袁太祝尉豫章

何幸遇休明觀光來上京相逢武陵客獨送豫

中

五十五

都下送辛大之鄂

章行隨牒牽黃綬離羣會墨卿江南佳麗地山
水舊難名
南國辛居士言歸舊竹林未逢調鼎用徒有濟
川心余亦忘機者田園在漢陰因君故鄉去遙
寄式微吟

送席大

惜爾懷其寶迷邦倦客遊江山歷全楚河洛越
成周道路疲千里鄉園老一丘知君命不偶同
病亦同憂

送賈昇主簿之荆府

奉使推能者，勤王不暫閑。
觀風隨按察，乘騎度荆關。
送別登何處，開筵舊峴山。
征軒明日遠，空望郢門間。

送王大校書

導漾自嶓塚，東流為漢川。
維桑君有意，解纜我開筵。
雲雨從茲別，林端意渺然。
尺書能不恡，時望鯉魚傳。

中

游浙江西上留別裴劉二少府

西上浙江西，臨流恨解携。
千山疊成嶂，萬壑合

中

為溪石淺流難，
源藤長險易躋。
誰憐問津者，歲晏此中迷。

京還留別新豐諸友

吾道昧所適，驅車還向東。
主人開舊館，留客醉新豐。
樹遶溫泉綠，塵遮晚日紅。
拂衣從此去，高步躡華嵩。

廣陵別薛八

士有不得志，悽悽吳楚間。
廣陵相遇罷，彭蠡泛舟還。
檣出江中樹，波連海上山。
風帆明日遠，何處更追攀。

下十五

臨渙裴明府席遇張十一房六

河縣柳林邊河橋晚泊船
文叨才子會官喜故人
連笑語同今夕輕肥異
往年晨風理歸棹吳楚
各依然

下十七

盧明府早秋宴張郎中海園即事得秋字

邑有絃歌宰翔鸞狎野鷗
眷言華省舊暫滯海池
遊鬱島藏深竹前溪對
舞樓更聞書即事雲物
是新秋

同盧明府早秋夜宴張郎中海亭

側聽絃歌宰文書游夏
徒故園欣賞竹為邑幸

來蘇華省曾聯事仙舟
復與俱欲知臨泛义荷
露漸成珠

崔明府宅夜觀妓

白日既云暮朱顏亦已
酡畫堂初點燭金幌半
垂羅長袖平陽曲新聲
子夜歌從來慣留客茲
夕為誰多

宴榮山人池亭

甲地金張宅一云甲第榮期樂自多
檝嘶支遁

馬池養右軍鵝竹引嵇琴
入花邊戴客過山公時
取醉來唱接籬歌

下

十六

夏日宴衛明府宅

言避一時暑池亭五月開
逢金馬客同飲玉人杯
舞鶴乘軒至遊魚擁釣來
座中殊未起簫管莫相催

下

二十

清明日宴梅道士房

林下愁春盡開軒覽物華
忽逢青鳥使邀我赤松家
丹竈初開火仙桃正發花
童顏若可駐何惜醉流霞

下

二十一

寒食宴張明府宅宴

瑞雪初盈尺寒宵始半更
列筵邀酒伴刻燭限

宋李同此

詩成香炭金爐暖嬌絃玉指清
厭厭不覺醉歸路曉霞生

和賈主簿并九日登峴山

楚萬重陽日群公賞燕來
共乘休沐暇同醉菊花杯
逸思高秋發歡情落景催
國人咸寡和遙愧洛陽才

宴張別駕新齋

世業傳珪組江城佐股肱
高齋徵學問虛薄濫先登
講論陪諸子文章得舊朋
士元多賞激衰病恨無能

下

四十八

李氏園臥疾

我愛陶家趣林園無俗情春雷百卉_果坼寒食四
隣清伏枕嗟公幹歸田羨子平年年白社客空
滯洛陽城

下

四十九

過故人莊

故人具雞黍邀我至田家綠對村邊合青山郭
外斜開筵面場圃把酒話桑麻待到重陽日還
來就菊花

下

二十四

途中九日懷襄陽

去國_似如昨倏然經杪秋峴山不可見風景令

下

二十六

初出關旅亭夜坐懷王大校書

人愁誰採籬下菊應閑池上樓宜城多美酒歸
與葛強遊

向夕槐烟起葱籠池館曛客中無偶坐關外惜
離群燭至螢光滅荷枯雨滴聞永懷蓬閣友寂
寞滯揚雲

下

三十九

李少府與王九_楊再來

弱歲早登龍今朝喜再逢何如春月柳猶憶歲
寒松烟火臨寒食笙歌咽曙鍾喧喧鬪雞道行
樂羨朋從

下

四十三

尋張五迴夜於園作

聞就龐公隱移居近洞湖興來林是竹歸卧谷
名愚挂席樵風便開軒琴月孤歲寒何用賞霜
落故園蕪

張七及辛大見訪

山公能飲酒居士好彈箏世外交初得林中契
已并納涼風颯至逃暑日將傾便就南亭裏餘
樽惜解醒

下

三十五

題張野人園廬

與君園廬並微尚頗亦同耕釣方自逸壺觴趣

上

三十二

過故融公蘭若

不空門無俗士駕人有上皇風何必先賢傳唯
稱龐德公
池上青蓮宇林間白馬泉故人成異物過客獨
潛然既禮新松塔還尋舊石筵平生竹如意猶
挂草堂前

下

二十七

早寒江上有懷

木落鴈南度北風江上寒我家湘水曲遙隔楚
雲端鄉淚客中盡歸帆天際看迷津欲有問平
海夕漫漫

下 三十六 南山下與老圃期種瓜

樵木南山近林間北郭餘先人留素業老圃作
鄰家不種千株橘唯資五色瓜邵平能就我開
徑翦蓬麻

下 三十八 裴司士見訪

府寮能枉駕家醞復新開落日池上酌清風松
下來厨人具雞黍稚子摘楊梅誰道山公醉猶
能騎馬迴

除夜

迢遞三巴路羈危萬里身亂山殘雪夜孤燭異

鄉人漸與骨肉遠轉於僮僕親那堪正漂泊來
日歲華新

下 三十二 傷峴山雲表觀人

少小學書劍秦吳多歲年歸來一登眺陵谷尚
依然豈意餐霞客忽隨朝露先因之問問里把
臂幾人全

下 三十三 賦得盈盈樓上女

夫婿久別離青樓空望歸粧成卷簾坐愁思嬾
縫衣鸞子家家入楊花處處飛空牀難獨守誰
為解金徽

下

三十四

春怨

佳人能畫眉粧罷出簾帷照水空自愛折花將
遺誰春情多豔逸春意倍相思愁心極楊柳一
種亂如絲

閨情

一別隔炎涼君衣忘短長裁縫無處等以意付
情量畏瘦宜傷窄防寒更厚裝半啼封裹了知
欲寄誰將

寒夜

閨夕綺窓閑佳人罷縫衣理琴開寶匣就枕臥

重幃夜久燈花落薰籠香氣微錦衾重自暖遮
莫曉霜飛

上四十一

美人分香

豔色本傾城分香更有情髻鬟垂欲解眉黛拂
能輕舞學平陽態歌翻子夜聲春風狹斜道含
笑待逢迎

七言律詩

登安陽城樓

縣城南面漢江流江嶂開成南雍州才子乘春
來騁望羣公暇日坐銷憂樓臺晚映青山郭羅

此下有王維憶
孟六一首

綺晴嬌綠水洲向夕波搖明月動更疑神女弄
珠遊

下

二十九

歲除夜有懷

五更鍾漏欲相催四氣推遷往復迴帳裏殘燈
纔有焰鑪中香氣盡成灰漸看春逼芙蓉枕頓
覺寒消竹葉杯守歲家家應未臥相思那得夢
魂來

登萬歲樓

萬歲樓頭望故鄉獨令鄉思更茫茫天寒鴈度
堪垂淚月落猿啼欲斷腸曲引古堤臨凍浦斜

分遠岸近枯楊今朝偶見同袍友却喜家書寄
八行

春情

寺樓曉日珠簾映紅粉春粧寶鏡催已厭交懽
隣枕席相將遊戲遶池臺坐時衣帶縈纖草行
即裙裾掃落梅更道明朝不當作相期共鬪管
絃來

五言絕句

六十二 宿建德江宿

移舟泊烟渚日暮客愁新野曠天低樹江清月

近人

上
四十

春曉

春眠不覺曉處處聞啼鳥夜來風雨聲花落知多少

中
五十七

送朱大入秦

遊人五陵去寶劍直千金分手脫相贈平生一片心

中
五十九

送友人之京

君登青雲去余望青山歸雲山從此別淚濕薜蘿衣

初下浙江舟中口號

八月觀潮罷三江越海尋回瞻魏闕路無復子牟心

上
七十二

醉後贈馬四

四海重然諾吾常聞白眉秦城遊俠客想得半酣時

上
五十三

檀溪尋古

花半成龍竹池分濯馬溪田園人不見疑向武陵迷

同張將薊門看燈

異俗非鄉俗新年改故年
薊門看火樹疑是燭
龍然

下

五十五

嶺山亭寄晉陵張少府

峴首風端急雲帆若鳥飛
憑軒試一問張翰欲
來歸

中

十

世號贈王九

日暮田家遠山中
夕淹歸人須早去
稚子望陶潛

中

八

同儲十二洛陽道中作

珠彈繁華子金羈遊俠人
酒酣白日暮
走馬入

紅塵

尋菊花潭主人不遇

行至菊花潭村西日已斜
主人登高去雞犬空
在家

張郎中梅園作

綺席鋪蘭杜珠盤斫芰荷
故園留不住應是戀
絃歌

上

四十二

問舟子

向夕問舟子前程復幾多
灣頭正好泊淮裏足
風波

上十

楊子津望京口

北固臨京口夷山近海濱江風白浪起愁殺渡頭人

上二十三

北澗泛舟

北澗流相滿浮舟觸處通
泂河自有趣何必五湖中

洛中訪袁拾遺不遇

洛陽訪才子江嶺作流人
聞說梅花早何如北地春

送張郎中遷京

中

碧溪常共賞朱邸忽遷榮
預有相思意聞君琴上聲

三十三 戲贈主人

客醉眠未起主人呼解醒
已言雞黍熟復道甕頭清

七言絕句

下

四十七

過融上人蘭若

山頭禪室挂僧衣
窻外無人溪鳥飛
黃昏半在下山路
却聽泉聲戀翠微

涼州詞二首

中
渾成紫檀金屑文作得琵琶聲入雲胡地迢迢
三萬里那堪馬上送明君

異方之樂令人悲羌笛胡笳不用吹坐看今夜
關山月思殺邊城遊俠兒

五十六
越中送張少府歸秦中

試登秦嶺望秦川遙憶青門更可憐仲月送君
從此去瓜時須及邵平田

三十
濟江問同舟人

潮落江平未有風輕舟共濟與君同時時引領
望天末何處青山是越中

中
六十一
送杜十四

荆吳相接水為鄉君去春江正渺茫日暮征帆
泊何處天涯一望斷人腸

丙子二月初九日依蜀刻本校畢是夜宿秘魔
崖袁氏別墅其下卷末數首滌菴所代校也

藏園老人記



孟浩然集卷第四終